

Nadâl Furlan 2012, premiâts Bepi Agostinis, Cristiana Compagno, Pierino Donada, Bons. Dario Savoia

Un altri ricognossiment a cui che si è batût pe difese e i interès dal Friûl e de lenghe furlane: il President de Provincie di Udin, Pietro Fontanini, si è complimentât cui premiâts de 34te edizion dal Premi 'Nadâl Furlan', ricognossiment che di 34 agns il circul culturâl Laurenzian di Buie al conferis a personalitâts «che si son distintis pal lôr impegn umanitari, sociâl artistic e culturâl, ispirât ai valôrs cristians, a servizi de societât umane e de comunitât furlane in particolâr». Il numar un di Palaç Belgrât, che al jere presint ae ceremonie di consegne dai premis, tal Teatri de Cjase de Zoventût di S. Stiefin di Buie, al à ricuardât lis cualitâts e la justece des candidaturis selezionadis: dal paladin de furlanetât, Bepi Agostinis,



ae retore de Universitât dal Friûl, Cristiana Compagno, passant par bonsignôr Dario Savoia, che di Udin al è rivât fin al Tribunâl de Sacra Rota, a Pierino Donada, espert di di-

datiche par furlan. "Ducj e cuatri i premiâts - al à comentât Fontanini - a son unîts, tai propriis cjamps di intervent, de passion pe nestre tiere e de tutele des sôs specificitâtis

linguistichis e identitariis". Un pinsîr particolâr Fontanini lu à indreçât a Agostinis che, di resint, la Provincie di Udin i à dât une targhe li che al è scrit par furlan "Une vite pal Friûl parcè che il Friûl al è la tô vite", a testemeunce dal impegn metût in chescj agns di Agostinis par realizâ, cu la poie de Provincie di Udin, il prin Teatri di professioniscj pe valorizazion de lenghe e de culture furlane, la "Farie Teatral furlane", impegn che al ven ancjemò di plui metût in lüs di cheste edizion di Nadâl Furlan. L'event al à aromai vuadagnât un grant lustri in ambit regional e al à viodût premiadis, tai agns, personalitâts di grant spessôr come David Maria Turollo, don Emilio De Roja, Ottavio Valerio, Carlo Sgorlon, Franco Gallini e Giorgio Celiberti.